



Jumat, 27 November 2020

Ogen: 1 Petrus 3:14-16



"Kekelengenna Sinemani"



Tuhu melala kal unngkapan kerna kekelengen si lit bas doni enda. Tapina unngkapan e megati terjeng bas biber ngenca. Janah lit ka pe lagu nina ,*"Ada uang abang sayang, nggak ada uang abang ku tendang"*. Arah lagu enda teridah makna kekelengen si lit bas doni enda megati erkiteken *"ada apanya"*, labo *"apa adanya"*. Paksa senang melala simediate ras siengkelengi kita, tapi paksana reh kenca kesusahen megati sisada kita ndalanisa.

Arah bahan renungenta wari enda kita ibabai guna ngangkai kerna uga kin kekelengen si tuhu-tuhu e. Ibas 1 Petrus 3:14-16 empersingeti kita kerna belinna kekelengen Dibata nandangi kita anak-anakNa. Dibata engkelengi kita labo erkiteken *"ada apanya"* tapi Ia engkelengi kita *"apa adanya"*, uga litna dirinta jine. Labo erkiteken kita enggo engkelengi Dibata makana Dibata engkelengi kita. Tapina bena-benana nari kita enggo ikelengiNa, erkiteken Ia eme kap Kekelengen (1 Yoh. 4:16). Alu bage kekelengen si tuhu-tuhu rehna ibas Dibata nari. Ayat 14-16 enda jadi pergegeh man banta makana aminna pe tuhu melala kiniseran bas geluhta, ula min aru ateta sebabna keleng ate Dibata tetap sinemani kita. Ola kita mbiar nandangi ancamen doni, tapina tetap kita ngelakoken si mehuli, si ngena ate Dibata sebabna kita sekerajangen Dibata kap. Tetaplah kita mehamat man Kristus (ay. 15) bas pusuhta janah sipehaga Ia selaku Tuhan si nggo engkelengi kita. Seh makana kalak si deban pe ngidah kerna lias dingeng keleng ate Dibata man banta.

I bas erbage-bage kecibal dingeng situasi kegeluhennta bage pe kiniseran-kiniseran melala si man tangkelen. I bas sie ula kal kita pernah lupa, aminna teman, kade-kade ntah perbulangen ras anak pe nadingken kita. Ingetlah kekelengen Dibata tetap nemani kita seh dung kegeluhen doni enda, labo pernah kita itadingkenNa.